

## La sesta vocale

L'ha mann't Aldo "Diecipalazzine"  
martedì 30 settembre 2008

Siamo in una scuola elementare di Taranto e la maestra interroga la classe: Vediamo&hellip;chi mi dice le vocali? I più bravi si sporgono dai banchi con la mano alzata tentando di guadagnare l'attenzione dell'insegnante mentre Cataldino come al solito sonnecchia sull'ultimo banco. La scelta ricade fatalmente proprio su di lui che improvvisamente svegliato dal suo sonno atavico risponde balbettando: sì, ehm&hellip; sono sei: A,e,i,o,u,oeu&hellip; La classe sottolinea con una risata l'apparente errore di Cataldino che sollecitato dalla maestra spiega la sua affermazione.

Maèèèèèèèè&hellip; addò javéte ije, quànne l'amice s'engondréne sijnde ca se saluténe accusi: Oeuuuuuuuuuuu! E ce l'òtre no tténe càpe de fa nu descùrse lunghe respòne pure idde accusi&hellip; oeu. Ce po' tenéne càpe de dicere doje paròle fàgne: Oeuuuuuuuu tuttappòòòòòòòòòòò? Ehehehe.

Maèèèèèèèè ma pùre quànne respònnéne o cellulare fàgne l'a stessa còse: driiiiiinnnn...oeu.

Maèèèèèèèè ma tu nonge l'u sé dicere? Nonge sìn de Tàrde? Se pronunge accòme dicéne l'a paròle acqua le Frangijse...eau&hellip;uguale, però se scrive oeuuuu. Stà vocale devènde nu martijde cèrte vòte&hellip;quànne qualchedùne c' l' a machéne mmijnze a stràde nonge te fàce passà&hellip;tu ijsse, vè vicine o' fenestrine di quidd'òtre... u uàrde brütte e ffàce: oeuuuuu&hellip;però stavòte l'ha fà cchiù brutte&hellip;l' a spustà l' mandibole d' a vòcche nnànde, cchiù ffòre d' a mascèlle, ce nòòò nonge avéne bbuénéeeeeeee. Sta vocale sostituisce l' nu sbuénne de paròle&hellip;per esembie l' mbéce de dicere: Ciao, da quanto tempo non ci vediamo... dice oeuuuuuuu... e t' h'è allestàte, e cchiù l'onghe è a U cchiù segniféchésce ca 'no ssè vedevéne da tanta timbe.

Po' sostituisce, com' ame v'iste c' u cellulare&hellip;Pronto chi parla&hellip;o quànne t' engàzze c' u qualchedùne (c' a machéne o senze) la frase: Senti pezzo di merda ti stai giocando una brutta carta oggi&hellip;oeu&hellip;ma stavòte c' l' na U sola&hellip;secca.

Per esembje ce stè fàce l' a file a pòste pe pigghjà l' a penziòne e l' nu prodacùle vo ccù pàsse l' nnànde&hellip;tu l' u pigghje da l' mbitte e dice&hellip;oeu! invece di dire: Senta giovanotto, non si è accorto che questa è una fila e che lei sta facendo il furbo cercando di passare avanti?

No tte cònte po' quànne s' engondràne l' na croscke de uagnùne tutt' assìeme ca fàgne oeu...oeu&hellip;oeuuuuu ca paréne tanda omméne primitive&hellip;ehehehe&hellip;e t' h'agghe ditte l' u fàtte

Maèèèèèèèè&hellip;mò, fàmme durmè, ca stanotte hagghe scè a pescà cu attanéme...méne mè...cù stè vocaleeeeeeee.